

## 17.25 CUNTRASTS SIN SRF 1

---

### Landquart: Boomtown u macla dal Grischun



Radund 9'000 persunas da 68 naziuns stattan a Landquart ed els vegnan guardads cun cumpassiun dal rest da la Svizra. Ma la glied da Landquart vesa lur vischnanca cun auters egls: sco lieu da la diversidad e dals experiments, sco boomtown u da maniera pragmatica: sco citad pitschna ideala pertutgant las colliaziuns da traffic e cun tschains pajabels dama-naivel da las pli bellas muntognas. Landquart è naschi avant pir 150 onns grazia a la viafier. In vitg atipic per il Grischun, nua che mintga vitg ha in coc medieval. Per la paja datti qua spazi per novas ideas, per exempel en l'architectura. La via da la staziun è sco in museum dals 150 onns passads. Gia per Friedrich Nietzsche era l'absenza d'ina lunga istorgia in avantatg: Nua ch'i na dat nagina tradiziun, èn ins pli liber da far experiments. Il film raquina dal sentiment da vita a Landquart ed accompogna in interprendider che spera da vender sia invenziun en China, ina dunna da l'Etiopia che ha chattà a Landquart ina nova patria ed in student d'architectura da Frankfurt ch'è viaggià aposta a Landquart per admirar ils bajetgs da ses models al lieu.